

Biblia alang sa Kabataan
motanyag

Si Jesus mipili
ug Napulog
Duha ka mga
Katabang



Gisulat ni: Edward Hughes

Gihulagway ni: Byron Unger; Lazarus
Alastair Paterson

Gipahaom ni: E. Frischbutter; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.



Si Jesus naghimu ug mga talagsaon na butang.
Siya nag-ayo sa mga sakit, naghatag ug kalinaw
sa kasingkasing ug hunahuna sa mga tawo nga
nasamok, ug nagtudlo sa Pulong sa Diyos.




Ang mga panon sa katawhan miduol kang Jesus alang sa tabang ug pag-ayo. Siya mihukom sa pagpili og dose ka mga tawo gikan sa Iyang daghang mga sumusunod, aron sa pagtabang Kaniya sa Iyang buhat



alang
sa
Dios.



Kon aduna kay importanteng mga pagpili nga himoon, nag-ampo ka ba sa Diyos? Gibuhat kini ni Jesus! Sa usa ka hilum nga dapit sa bukid nakigsulti Siya sa Iyang Langitnong Amahan. Nag-ampo si Jesus hangtod sa pagsalop sa adlaw.






Si Jesus
nag-ampo sa tibuok
na mangitngit nga
kagabhion.

Sa pagkabuntag, gitawag ni Jesus ang Iyang mga sumusunod - ang tanang mga higala nga mialagad ug mituman kaniya. Gikan kanila Siya mipili og dose nga mahimong espesyal nga mga katabang, o

mga apostoles.



Ang unang duha nga gipili ni Jesus mao ang managsoon, si Simon Pedro ug Andres. Ilang gibiyaaan ang ilang negosyo sa pagpangisda sa dihang si Jesus unang mitawag kanila sa pagsunod Kaniya.



Si Santiago ug Juan, mga anak ni Zebedee, mibiya usab sa ilang mga pukot sa pangisda.




Gipili usab ni Jesus si Felipe, Bartolome, Mateo,
Tomas, Simon nga Zealot, Santiago nga anak ni
Alfeo, Judas nga igsoon ni Santiago,
ug Judas Iscariote nga
unya mamahimong
kaaway ni
Jesus.



Si Jesus mitudlo nga ang
pagbuhat sa Iyang gisulti
sama sa pagtukod og balay
sa lig-on nga pundasyon.
Ang mabangis nga mga
bagyo dili makaguba
sa maong balay.



Apan ang dili pagsunod sa Pulong ni Jesus sama ra sa pagtukod ug balay sa balason nga pundasyon. Kon moabot ang bagyo, mapukan ang balay.



Ang pipila sa mga sugo ni Jesus dili sayon. "Kon ang usa ka tawo mosagpa sa imong tuo nga aping, itugyan usab ang imong wala," Siya mitudlo.

"Higugmaa ang imong mga kaaway."

Ang mga tawo nagkinahanglan sa tabang sa Dios sa pagkinabuhi sama kang Jesus.



Gisultihan usab ni Jesus ang mga tawo nga mag-ampo sa tago - dili magpakitag pag-ampo atubangan sa mga tawo sama sa gibuhad sa ubang mga lider sa relihiyon.



Si Jesus miingon nga
ang Dios mopakaon ug
mobisti sa mga tawo
nga mosalig Kaniya.




Tungod kay ang Dios
naghatag ug pagkaon sa mga
langgam ug matahum nga mga
kolor sa mga bulak ug mga kahoy,
ang Iyang katawhan makasalig
Kaniya sa tanan nilang mga
panginahanglan.



Si Jesus mitudlo sa Iyang bag-ong gipili nga mga katabang sa daghang mga butang nianang adlaw. Sa diha nga Siya nahuman, usa ka sanlahon miabut, nga nagpakilooy kang Jesus sa pag-ayo kaniya.





Si Jesus mitubag sa sanlahon, "Buot ko, magmahinlo ka."

Samtang nagtan-aw ang mga katabang, ang sanlahon naayo. Naayo siya! Ang Anak lamang sa Diyos ang makahimo niana. Ang mga katabang nahibalo nga sila adunay talagsaong Agalon.



Si Jesus mipili ug Napulog Duha
ka mga Katabang

Estorya gikan sa Pulong sa Dios, ang Biblia,

makita sa

Mateo 4-7, Marcos 1, Lucas 6

"Ang pag-abot sa Imong mga Pulong
nagahatag og kahayag." Salmo 119:130





Ang Kataposan

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

